

Tuhaayakhaq

Qillaminuag Tuhagtitauyukhaq

Iningnikhat quviahuutigiyayut hulilukaarut talvani Makigiarvikmi

IQALUIT, Nunavut (Ubuirvia 4, 2015) – Havagviat Maligaliqiyikkut aulatitivakhimayut hulilukaarutikharunik ublumi Iqalungni ilitagiumaplugit Iningnikhat atiqtuinirnun Makigiarvikmik, Nunavutim nuutaangutqiaq ikikliumayunik itiqtauvikhaqni.

“Quyagiumayatka ikayuhimaaqpakamik Iningnikhat aulanikkut uuminga, upiqhimayungalu taima havaqatigiigupta atugiangatlu pitquhingnik ilitugidjutingnik, ihuaqhaiqyumiqtitigiaqaqtugut ikayuutikhavut itiqtauhimayunun Nunavunmi,” uqallaktug Minista Maligaliqiyikkutni Paul Okalik. “Akhuqnaqtug tunihimaaqtukhauyugut pitquhiliqinikkut allatqiinguyunik havaaqharnik ikayugiangat mamiqhaiyaangatlu ilauyaangatlu nunaptingni.”

Makigiavik, kangikhidjutiqaqtuq imaa makitiqpaliangniq inmikkut, pukuktauhimayuq katimayiinun Iningnikharnin tamaini Nunavunmi, ilituqhaiyangat inuit kituliqaak aulagiqaqtun nuutaamun ayungnautigivaktaingit qangiuutigumitku.

Tamna 48nik igliqaqtuq igluqpak aulahimaaqhimaliqtuq talvangaanin Qiqaiyaqvia 2015mi, pigiaqaqtuqlu angiyunik ikituniklu amingnaqtuqaqtunik ihuinaanginaqaqtun avikhimayukhat. Makigiarvik ikayuutigivaktuq ilanganik inikhailuqtunik talvanga Qikiqtaalukmi Itiqtauviani (BCC) pivallialiqhunilu amigaitunik havaaqharninik. Uvani igluqpangmi hakugiktitiniaqtuq havaaqhangit aituqtauhimayut talvuuna ayungnairutikharvikharnik iningniuyunun angutingnun ihuinaagungnaigiangani, ilaughagluni ilihainikkut inuuhirminilu ayuittiarutikharvik ayuighautikharvik pidjutikharvik.

“Una hulilukaarutmi ilauqaqhimayut taima igluqpaqmi talvani aulaqarviqangnitigun,”
uqaqtuq Minista Okalik. “Inikhavikhaq taima ituqtauhimayut, havaktiingit Iningnikhangitlu
katimahimayukhat ayuiqhautikharnik tamangnin qayangnaitumi inikhavikharmi
aulaqaqtuni ihumagiyaanganik Inuit Hivulliurutit Upiriyauyunik.”

###

Tuhaqtitiyuq Hivaqlugu:

Barbara Ann Tierney

Maligakhat Tuhaqtitiyunik Qauyihaiyi

Havagviat Maligaliqiyikkut

867-975-6335

btierney@gov.nu.ca

ᐱᓕᓕᓕᓕᓕ ᐅᐱᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕ, ᓕᓕᓕᓕᓕᓕᓕ, ᐱᓕᓕᓕᓕᓕᓕᓕ ᐅᐱᓕᓕᓕᓕᓕ ᐅᓕᓕ, www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.